

228633

國立中央圖書館

永樂大典

卷一〇五三	啓字
卷一〇五四	啓字
卷一〇五二	母字
卷一〇五三	母字
卷一〇五四	母字



百六

1701

永樂大典卷之一萬五百三十九 四濟

啓謝啓四

宋徐衍仲西臺謝王守關陞啓 備數冷官。方慚無補。受如明府。復與
兼收。辱獎拂之過情。覺彷徨之罔措。伏自薦舉之法行於世。出處之節難
手人。工於自媒者。徒貽巧宦之譏。務在過求者。未免狂圖之誚。滔滔皆是。
兀兀何爲。方思袖手而旁觀。忽暗刻章之下達。推至公將以驕俗。在不肖
夫。豈當仁。如某者。術業荒疎。性資凡下。銳氣消磨於學舍。壯圖沮沒於科
場。幸名教之繼。先入而不忘。視功名之會。倘來而何有。流行坎止。隨所遇
而常安。強學力行。將窮年而自勉。幾歎吾斯之未信。不特有時乎爲貧。既
見諸生於堂。惟知究心乃職。何如其陞。何如其改。曾微過計之移。質之於
古。質之於今。鮮有不求而得。既何見知之特遇。豈容祇受之遽回。爰開饒
俸之端。皆出品題之賜。茲蓋伏遇判府才猷學術。政事文章。舉皆高出於
一時。詎止優爲於十里。凡喜必錄。咸推鑑裁之公。小子何知。祇預陶成之
列。如其稱許。非所宜當。某敢不激厲前修。克終舊業。正其心誠其意。允爲

君子之傳。專所聞。行所知。用報成人之傳。通此以往。未知所裁。子溪陽先生集謝文剡啟。 袍練溫露。責愧三體之重。福紅新滌。光依五馬之賢。傾萬分。染濡四六。伏念某拙哉方枘。謬甚圓機。樂晦翁之傳。而讀四書。耽濂溪之學。而明六畫。既適強仕。始玷末科。便欲隨海鷗。以乞清閒。不謂遂離鴻而固趨走。昔年東去。今日南來。好爲人師。此非子之坐也。得其所主。或者天實啓之。茲蓋伏遇某官。貫日之忠。渾身是膽。隱然敵國。咸稱細柳之真。賢若長城。豈類棘門之戲。把麾黔郡。人皆指爲桃源。給餉關中。公但心於柳塞。惟知運甕。安問投壺。蓋匈奴未滅。何以家爲。信國士無雙。誰可匹者。武功既抗。文事交修。致此竊梁。居然螳棄。某敢不竭其素學。誦所常聞。講明子路之強。助元氣脉。培植曾參之憂。爲壯精神。心形于聲。言契於潛。李勉齊如。生初榮。謝秋壑。辟野教啓。爲秋樓月。三霜驚楚。戶之玷。鵲表賤天。羊水來。魯官之藻。無禮亦援。肯律而春。斐載四六之辭。廣寓萬分之謝。竊以元帥府。網羅衆俊。雖專辟舉之權。文學掾。領袖諸生。當採清修之望。東坡之薦。無已。足爲徐學之主盟。元獻之取希文。真是南都之師表。矧將陳組。立於軍旅之地。且欲說詩書於戎馬之場。正恐笑于列者。敗于誰能捨所學而從我。如某者。說鈴不韻。整圖就荒。二頃躬耕。飽得田家之

趣重親責望。勉爲舉子之文。由槐市而蘭宮。賦皆第五。朋葵丘之瓜。戊年
乃待三。偶越組於荆。儻遂改絃於沔。棲燕飛大廈。父欣門戶之可棲。鴻棟
寒枝。忽隨沙洲之獨冷。訪碧瓦朱樓之舊。無復連空。歌陽春白雪之詞。固
宜寡和。但欲到諸公不到之地。庶可讀平生未讀之書。掬漢水而濯纓。豈
特繼沂濱舞雩之跡。挽泗河而洗甲。久將廢泮宮獻賦之歌。所期無愧於
胷中。是則不辱於門下。茲差恭遇某官。雄邊龍虎。瑞世鳳麟。鉄鉞傳家。人
謂素行乎富貴。誥盤稽古。公未自致於功名。慨恢手。運帷幄給餽餉之規。
汲汲乎。說禮樂崇詩書之舉。謂武備必有文事。故寮屬多用儒生。遂使庸
虛。亦歸料理。某敢不力鞭其後。思卽所知。冠者五六人。童子六七人。勉收
解。擊水三十里。扶搖九萬里。尚借吹噓。誠怕依依。謝言吶吶。除知岳
州。謝秋壑啓。烏幕從軍。何補魏籌之數。鴻鈞播物。擬分漢竹之符。雪亮
猶以修飾。露辭節而控謝。伏念某起身寒素。賦性迂疎。朝蒼暮蠶。由諸生
而竊第。夜棋秋析。几幾度之遊邊。鬢根已白。而始脫選坑。汗竹未青。而差
看數鏡。風月不用錢買。方陪西峴之醉遊。煙波是使人愁。忽報北軍之飛
渡。心搖搖。行靡靡。車軋軋。馬蕭蕭。江上秋風。影斷失群之鴈。城頭落日。魂
飛反哺之鳥。傳非真耶。其信然耶。嗟其注矣。何嗟及矣。誓將廬墓。敢希新

渥之詔鴟。恩重捲簾。猶念舊時之堂燕。甫更素韞。遽玷清班。方將點化以俱仙。其奈柳榆之有鬼。人安能每事盡善。空形鑄錯之言。衆欲殺吾意。獨憐曲示掩瑕之德。寬其增繳。賦以斗升。姑引蓬萊之舟。仍若邯鄲之步。末議何裨於主畫。冗員徒贅於賓筵。然而一飯不敢忘手大臣。辨所舛敬者祖佛。政期解戍。重依衆罔之光。倏聽傳郵。驟被推麾之寵。蓋有守先死門而不與。顧乃緣節度府而獲達。予以昭見遠識微之明。予以表開忱布公之量。千古之白雲黃鶴。僅破天荒。一朝之銀盃青螺。賸觀月色。雖關山無戎馬之隔。而中澤有鴻鴈之飛。方將歌洒澄翻浪之詩。未敢作把酒臨風之想。朝三竿暮四竿。取數已多。人一天我二天。斯恩則獨。茲蓋恭遇某官。唐雷宇宙。感會風雲。藝祖相韓王之元勳。謀貽萬世。壽皇呼福公以太傳。禮絕百僚。板夾袋以儲材。俾隱囊之脫穎。昔雖躍冶今又轉鈞。謂迂闊若不切於時需。而趨向亦頗知於古法。觀其行已。未嘗枉尋尺以徇人。使之牧民。庶能寬一分以及物。肯心已定。除目遠頒。某敢不佩服舊恩。激昂新意。開平津館。已陪漢相欽翹之英。登岳陽樓。當味范公憂樂之語。情深激烈。辭納數宣。岳州到任。謝秋壑啓。贊員底懷。恨叨漢竹之符。錫命中朝。俾縮齊瓜之戍。端出轉鈞之造。猶懷桑梓之羞。文策云初。襲篋敢後。

伏念某至愚極陋。多滯少通。萬物皆塵。每覽古今而自照。一科不補。敢辭
州縣之徒勞。以區區鉛槧之艱生。而汨汨誇訛之麤役。鴻鴈散離之禍。痛
豈忍言。鶴鷺清切之班。夢所不到。屬者天開昌運。帝用元勳。興言拆牋之
材。久預夾袋之數。繞枝已匝。應憐無托之鷄鳥。故畧而升。或謂有緣之鷄
犬。驟膺誤渥。噴致煩言。吾命極知其迭遭。我公倍費於啓撥。遠在去國。寬
飛長樂之曉鐘。跼蹐游遶。愁絕郾城之秋柝。兩載何禪於相畫。一朝遽玷
於州麾。幸出於天。且讀舊書而需次。誰爲之地。忽領新渥而趣行。是雖造
化之無私。然亦推排之良巧。維已陵之古郡。實郭渚之鄰封。桑梓連陰。自
幸過家而上客。帆櫓借便。不勞叱馭而驅車。若此生或。其何稱鑑。方強顏
而領事。每觸目而懷憂。積念乏溢露之儲。曷供版築。列肆傾融風之饒。屢
竭蓋藏。上下煎熬。公私凋弊。惟有守廉勤之二字。庶堅保障於一隅。徒抱
拳拳。可爲凜凜。蓋恭遇某官。片心日月。隻手乾坤。巍巍勲名。與台山萬
八千丈而等。續續福壽。邁汾陽二十四考之書。琴瑟更而善化。鼎新。弓旌
出而正人萃聚。胡爲一障。遠及諸生。謂疎庸雖不係於時才。而趨嚮亦順
知於古誼。使之收御。庶乎循良。前筆寬一分之言。審聞之矣。然祖撫百姓
之誓。尚鑒茲哉。某敢不仰佩隆知。力行素學。以節用爲愛人之本。以謹身

爲率下之基。此樂何極。寵辱偕忘。愚負慶曆守臣之政。惟若是適。巧拙難
進。尚觀元和宰相之方。激烈深。拔裁靡竟。謝秋壑舉閣陞啓。積李
場中。忍不言而自棄。種桃李。嘉定價之須宮。方危再潰之謀。忽侈入珍
之寵。賤殘春意。冰泮風心。惟大人與天地同流。故小夫以草木爲喻。蕪葑
采采。老其材於霜露之餘。松柏青青。堅其節於歲寒之後。此化功所以成
物。而南華以是觀人。蓋畜反膏收涼之時。乃不改柯易葉之地。今有底僚
之賤。久蒙相國之知。國嘗伏先範之門。未即拜巨源之啓。坐閱培風之送。
孰是遺材。頗驚肯日之遲。信乎有命。固抑掄而共棄之。亦素而自旋。豈
知坎北之公。將有成就于後。韓愈敢傲。更載十九日復上之書。鄭莊好賢。
爰詣三千贖固登之數。飛騰薦墨。燒燿褒華。豈徒沃久渴之塵心。亦頗醒旁
觀之俗眼。工倅造化。思重丘山。伏念某全抱迂疎。不堪位置。竊式蘇公之
敬獄。爾監伯夷之播刑。仰憑大厦之寬。屢竊空囹之暇。無人靡草。相看破
屋之先生。有喜燈花。忽送打門之軍將。勇爲騰秋風之翼。何啻獲明月之
珠。盤手而誦味言。捫心而增報色。學慚文子。曷誇甚敏之才。事愧周官。難
詭惟勤之職。慨然操梓人之引。憫其生匠石之園。有此僥踰。何其特達。茲
蓋恭遇某官。風流羊陸。威譽范韓。脉絡三邊。更覺上流之重。羈縻四裔。坐

全中國之壽。凡此時治外之規模。實大府會才之功用。栽培傾覆。一聽其
自取。又負僊植。各當於攸施。遂令擁腫之登。亦在侏儒之列。某敢孤稱塞。
以爲品題。千萬問之庇寒。門闌有托。四十圍之溜雨。汗漫羈期。欲寓銘心。
莫彈筆舌。惟燭湖先生集謝廟堂啓。累日何功。幸脫選階之冗。自天有
命。許班朝績之華。四異數以若驚。漂微蹤之增懼。鈞陶所播。門戶知榮。竊
惟王朝百執之聯。莫非士論一時之選。其在公卿之子弟。或緣家世之熟
等。雖云恩出於上。所以厲其報國之心。亦必舉得其人。有以灼夫豪賢之
實。如寵光之誤及。則乳臭之交識。如某者學不知方。才非適用。聞詩聞禮。
未進亞子之名。弗播弗堂。安有寧馨之譽。偶廬末第。浸竊隆松。免從計簿
之卑植。於幸焉違之祕畫。一辭月峽。三佐星臺。人方議其素餐。已亦慚於
職等。彤庭換秩。瞻日表以拜恩。墨綬占員。分火坑之償債。豈謂出絲綸之
新渥。給簪紱之舊臣。榮其既老之年。施及不才之子。擢之常調。錫以清資。
非夢寤之敢期。實吹噓之有自。該星伏遇某官。經綸四海。師表百僚。躬一
德以格天心。官衆賢而爲已任。開明上意。無忘五龍夾日之初。畏育人材。
使有萬馬追風之銳。是令兔瓊。復預甄收。某敢不沐浴圖光。周旋家訓。壯
所行。如所學。無內負於夙心。孝於親。忠於君。用仰酬於大造。宋王初登先

生集謝除館職啓。列籍西崑。每起英遊之慕。屬書東觀。忽塵史職之職。祇祈寵榮。宋增震惕。竊以天下有大戒二。君子之所就三。自非世道之交興。豈易身名之俱泰。於昭景運。至變醇風。衆賢聚於本朝。多士生於王國。致功就業。遠追商周。而比隆。陳垣據經。斷自秦漢。而不論。睦冊府道山之盛。起石渠天祿之傳。職祕事清。真老氏之藏室。地靈人勝。下太一之威神。平居以德當而相先。異日乃公卿之從出。挾聲稱而驚坐。指氣類以彈冠。几序直於木天。固均輝於星壁。矧司日記。實載聖謨。惟曠典之具興。復珎符之紹至。嚴配明堂。而致享。勤崇齋殿。以告成。對天之休。秉筆以俟。必極俊髦之選。用觀綴紳之工。庶不爲起家之責。可以絕上車之誚。如某者。賦才甚陋。用志亦迂。緣先世之業儒。起寒鄉而中第。未聞道要。徒謹師承。仕有時乎爲貧。乃徒奔走。咎莫大乎欲得。已分棲遲。兩忘騰鶩之飛。一付爲魚之作。雖值難逢之千載。欲前復卻者十年。盲人臨於枯池。窮士延之上坐。宜行莫適。鉅譽相仍。邈無舉臂之因。還托抱關之隸。昨由銓筭。進改朝紳。入官學以談經。博而寡要。宜王庭之顛俊。况不見治。敢期推擇之公。並有達陛之涯。向來金匱。雖窺太史之書。未至蘭臺。便草名臣之傳。熟云因任。良自曲成。此蓋伏遇某官。論道經邦。代天理物。宰相用此。社稷元龜。有

堂隆棟。兩府同此。進而告后。有合於稷契之言。推以覺民。無不被堯舜之澤。已炳遠猶於萬世。益收寒俊於四方。是致瓊才。誤叨清選。某敢不更堅特操。弗事空言。翰墨相娛。雖匪捐軀之地。肺腑自諒。豈無報國之期。過此以還。未知所措。服闕謝河間。叩張顥謨啓。頃鍾福罰。奄抱憂哀。見其冠之樂樂。遽茲終制。與之琴而切切。宛劇餘思。當其林隴之初營。以及凡筮之有奉。雙鶴來真。首煩便者之行。涸鮒見津。屢拜仁人之賜。士窮德易。淚盡血隨。永言荷春之非常。重以違顏之積久。嚮風結想。引脰增勞。遐惟豪訟之間。敬致蘭羞之養。神明協樽。休祉駢臻。恭以某官。學綜九家之流。器審萬夫之表。英辭高論。每出廣平之鐵心。勝算沈機。莫測征南之武庫。自間以外。如山而維。竟廷陟明。豈有稽於三考。漢守為樽。要何待於八年。即膺夢卜之求。遂處鈞衡之位。其粗存殘息。拒復壯心。再拜天孫。冀捐少巧。三揖窮鬼。已擾半生。向國非國。竟以游蓬。今蓋欲得。當以報漢。雖廩人繼粟。庖人繼肉。敢忘卬翼之勤。方伯氏吹撻。仲氏吹篳。然借門牆之重。正襟轉食。益阻登聞。第覲燕頤。以符注倚。揚冠鄉客。率領筆代。軍器丞謝隆太府寺丞啓。干戈載戢。方慚戎監之員丞。府寺衰遠。忽玷宸綸之誤寵。得踰望外。感越情涯。切以財計司於地官。出入錄於太府。尤賦領受之政。既

總其凡。百貨賁遺之宜。亦提其要。凡居承屬。務簡賢能。如某者。甘棠之功。僅存。大孰之專何用。項碑鉤陶之賜。遂辭筭楚之帶。陰戎器以戒不虞。淺有消埃之助。雖工匠而稱鮮及。敢云技巧之精。適朝廷需鞭算之臣。期都內收貫朽之效。謂官府都鄙之吏。將卑以邦用。必期會方貢之物。皆進之內庭。爰陞元祐八品之職。俾佐成周九功之貳。退自隨省。昌副選掄。茲孟伏遇某官。畫簫一元。甄治萬類。軫憐舊物。加惠窮途。念昔先人。曾是申公之下客。今茲小子。復陪材館之後塵。賜以生成。忘其困陋。某敢不恪勤乃職。愚稱所蒙。幸金帛而統南方。豈持奉行於故事。問錢穀而責內史。庶幾協贊於大農。或知財貨之源流。尚冀恩榮於終始。謝臨安趙安撫斷刺忠等人啓。伏准使帖。斷達劉忠等人。寓盜開木家于湖新集改易元文。追版入官押出府界者。客常何之館。亦既有年。求相如之文。僅存遺藁。方與鳩工而鋟木。適聞售偽而假真。顧此書不止則不行。宜公府必懲而必誠。盡去其籍。靡踰於時。竊惟文籍之興。莫甚魯魚之辨。銘記康壽。歐氏特書。草改金根。溫黎無子。春于湖之逸軌。邁漢庭之諸公。平生千萬篇。盡金莊珠珎之體。作詩三百首。掩成池冥默之音。詔趣上帝之玉樓。公奎奚奴之囊錦。微茫手疏。流落人間。灼若丹青。皆可傳之不朽。勒諸金石。庶有補

於將來。惟虞震電之取將。詎意唯亮之誤。以水爲礙。以舟爲則。如鄭亂雅。如紫亂朱。念終於遠者。由差之毫釐。況其真者。茲十焉八九。苟肆行而莫禁。則壞亂而不收。是須絕去其本根。毋使難圖於滋蔓。紙貴洛陽之市。方傳者以爭先。雷轟薦福之碑。幸應焉而如響。銘蓋伏遇某官。研窮百氏。傳極群書。以斯道覺斯民。將自任天下之重。知其主信其客。豈特藏河南之寶。去取以公。是正其失。且慮入于僞。則出於此。又復大其書。而虛其居。某得不感知己之難逢。扼遺編而永嘆。作春秋而辭莫措。雖絕筆於獲麟。得夫子而名益彰。尚著鞭而附驥。謝中隱先生授館舍啓。挾策遠遊。高北從軍之樂。戎詒旅進。茲聯入幕之賓。鼓孤蹤於江湖寂寞之鄉。拜嘉惠於人士親覲之表。望非所盡。寵至若驚。竊以知人之難。雖聖猶病。凡實主之文。隆必聲氣之協同。歷觀載籍之所傳。鮮有傾盖而相契。故常清竄名於高仙芝客。仙芝止以爲庸流。而毛遂自薦於平原君門。平原不以爲奇士。況東閣軒裳之盛。萃南州冠冕之英。蔚乎相扶。炳乎相輝。智足以構材。足以立。志同氣合。樂哉川泳以雲飛。事至物來。燦若燭照而龜卜。苟非有擊楫。誓江之志。擅摘文譙劍之名。久而熱其肝能。難以枉其車轡。如某者性愚不諳。品麻妄庸。以辨古今。則愧北涯之石生。以咨政事。則匪河

陽之溫造。徒能遺外聲利。靡厭乎賤貧。審知重輕。不苟於毫末。持此自信。蔑乎已知。未聞匠石過圓而見收。肯放碩金躍冶而自獻。採姓名之賤。敢謂借之齒牙。露斧鉞之威。又復假以詞色。今者卜日而授僕。以禮而為羅。於東都問慶士之廬。特招而往。如伯樂過冀北之野。無留其良。得非有意。推而納諸陶鑄。是以舉手援而出之淵壑。特達如此。稱塞謂何。茲蓋伏遇某官。名重兩朝。功蓋一世。中書二十四考。方自任於安危。幕府六十餘人。皆可為於將相。猶折節以下於士。務取人而拔其尤。凡有寸長。曾不遺棄。故雖賤子。亦沾後塵。某敢不追省其私。下負所學。雖而致之幕下。豈徒拜賜於軍門。謂之脫於囊中。高或報知於國士。代楚州司戶謝守臣辟美啓。再轉為丞。未紀藍田之名氏。三語曰。據遷騰公府之辟書。特勅帝旨之欲。謬沾戶曹之選。豈非所素。得之君驚。竊惟郡國之建侯。尤賴官曹而共治。自晉宋而下。名品雖有異同。由隋唐以來。簡拔務先賢俊。三絕盡河東之秀。空群必冀北之良。章嵩善判而顏伯文辭。既休稱之冠古。或璿坐蒲而宗資畫諾。宜敬誦之載塗。如某者才品至凡。性資甚下。雖蠹魚生死。不離文字之內。而尺鷃飛鳴。僅止蒿艾之間。頃雖棲棘之卑。妄意哦松之樂。嚴君董綱。適經江淮。茲邑負余。空遲歲月。從駕車而就夷路。往陪駟馬。

之後先。遇有力而轉清波。恐異常崎之品。庸俟再三之清。果蒙特達之知。此蓋伏遇某官。家傳吳起之良謀。身佩殷成之秘畧。東寬憂顧。肅填邊陲。方爲官而擇人。使坐曹而治事。謂得文武之士於幕下。須石生而爲媒。有問賓客之賢於湖南。庶昌黎之可信。故雖賤子。亦預下僚。某敢不銘鏤于表。激品其志。題霜虛手。知名竊慕於琰之。作張嘉詩。見責尚希於杜老。

代謝除軍器所受給官啓。政銓部以奔趨。正虞自遠。司南方之出納。乃

貼恩陰。孳孤蹤於州縣。冗散之發。拜成命於人士。覲觀之表。豈非其素。寵至若驚。竊惟致治之期。尤重陰戎之戒。繕甲而輸武庫。既遵唐室之規。置監而建便名。又倣熙寧之制。故雖御府。亦有司存。辨名物之麤良。給工徒之衆夥。苟非才諳。曷副選掄。宜得名流。以膺劇任。如某者。緩不及事。愚無他長。幼雖讀於父書。莫知權變。行徒全於世守。茂有文辭。頃祈一釣。以連繫。塵費三年之刻楮。可謂不武。無所取材。茲辭蕞楚之勞。妄意鑪錘之託。

技巧工匠之解及。方嚴武備之修。輝樞機儒以兼收。遠辱化豹之擣。退惟么魔。采積凌兢。茲益伏遇某官。道覺民先。功熙帝載。悲醉鄉之徒。而嘉良臣之烈。此時思識其子孫。舉羊舌之侶。而代中尉之軍。君子不以爲偏黨。軫恤寒遠。願聞存亡。欲封植栽培使之有成。故慙拊矜存無乎不至。致令

賤子亦冒殊榮。某敢不增益未能。磨礱其鈍。修身矯思。必惟弓矢之求。復古攘夷。庶幾車馬之助。代王教授謝上舍及第并差遣。多士生王國。親策千席。諸侯曰。賓宮。命修其教。斯未能信。未敢承。蓋聞得賢能立於邦家。致遠務先於器識。大人之學。爲子道。豈徒發策以決科。一卷之書。立之師。要在習非而勝是。自里選賓興之法壞。及經明行修之詔頒。舉秀才而不知書。莫振益。逾之俗。倡諸儒而反以朴。執曰。既倒之瀾。與古匹休。惟今獨盛。專儒術而取通藝之士。廣學校以明訓誘之方。既栽培封植使之有成。宜文雅行義錄此其選。一洗萬古之凡馬。矣。資十駕之疲駑。如某者。寧要弗靈。涉道甚淺。謂科斗之文廢已久。時無能知。而帝王之制可舉行。並受其義。探聖賢議論之所不到。與盤語贅牙之所未聞。恭誦夏弦。久矣。困盤鹽於太學。月書季考。茲爲登姓。字於儀曹。雖三釜及親。喜慰於心。恐一行作吏。便費此事。詎意濫師儒之選。乃獲從庠序之遊。茲孟伏遇某官。名世耆英。甘泉法從。高文華國。詩卷常留於天地之間。善政宜民。邦人自得於湖山之外。欲作新於士類。共振起於治功。凡在提封。不忘甄錄。遂令賤子亦冒殊榮。遠勤疑騎之臨。且沐兼金之貺。某敢不益勵末學。思稱所蒙。範不範而模不模。雖乏誦人之規矩。趨亦趨而步亦步。高希受教於

門牆。謝人袖賤見訪啓。辱迂都驛。寵既長廢。以鵲鵲饗九卷之書。寧無暇視。報珠玉之雙南之寶。徒有愧心。感著于表。言不盡意。曾伯雲從集代謝宮祠啓。結綬上都。仰觀先儀之盛。奉祠私室。坐尸廩稍之優。曾是妄庸。有此僥倖。竊念某材低賤。隸志慕古人。自失足於世科。還強顏於祿仕。冬寒夏暑。徒知清約以持身。口誦手抄。尚冀衰遲之卒業。逆敢希於進取。心常幸於退藏。偶際會於亨時。驟激昂於晚節。秉青昏耗。終廁寶薰。蟠木輪囷。投施利刃。凡茲遇合。盡出哀憐。二千石之榮名。曾班郡級。十五年之隱吏。久盡倉儲。初無口舌之勞。積有面顏之視。去弊廬之屬耳。辭瑞闕以歸歟。履迹猶新。未覺塵生於圖史。齋楹具在。不令囊竭於薪炊。妻子出迎。共戴欣愉之色。文明相賀。重尋漫浪之遊。指衣褐卒歲之期。遠薄領窮年之擾。東阡北陌。常逢一笑之歡。右書不起。萬鍾之慕。豈伊天與。殆遇自謀。此蓋伏遇某官衣被多方。權衡當世。炳若三階之峻。屹然一柱之安。凡四海之有生。畢獲其所。雖匹夫之甚賤。不使之窮。雖令一介之微。更胃曲成之賜。某敢不鍊膺。懣懣引脰。知歸。賦厚祿於私門。未知曷稱。詠太平之盛際。徒有私心。代謝再任宮祠啓。飽食居家。父負素餐之責。仍年滿秩。特加申命之私。拜賜增慚。忝官滋素。竊念某早登仕籍。晚領州麾。所知

遇之甚優。恨綿薄之莫稱。自解竹符之職。繼求香火之司。歲計有餘。愧積
瘳於積慶。年運而往。驚頻聞於星霜。揣分則宜。於夢何有。執謂積瘳之懶。
其如靖節之貧。雖志復在於枝閑。而勢難希於廟祿。固已絕望。敢復自言。
度越拘攣。曲蒙陶治。矜情窮悴。迴別奇夷。獲舊物以還歸。語故人而自慶。
無衣福以卒歲。感頤頤開。不稼穡以取禾。視顏安哥。貴賤有自。僥冒寶深。
此蓋伏遇某官。諭道經邦。奮庸熙載。柔遠能通。躋一世仁壽之中。聚精會
神。叶千載明良之盛。掩雲臺之繪畫。有天下之勲勞。雖伊周無以加。彼姚
宋不足追。憫一夫之失所。欲萬物之得宜。有如躍全。亦懼食志。與山川而
等量。曾無棄人。同雀鼠以蒙生。將何報德。其為感腹。罔罄名言。代謝官
祠任滿。啓使者侍祠。豈妄庸之可借。瘳人繼業。越飽暖之無從。獲此逸
居。忽焉滿秩。樹寸心而自激。引微軀以知歸。竊念某潦倒孤生。棲遑末路。
自初年而入仕。嘗脫選曹。迫昌運之勃興。遂叨郎寄。雖驅馳而不息。於疲
蕭以難時。解絃言歸。省愆自咎。曾匪淹時之久。遂叨真館之除。坐耗官儲。
了無更責。荒園日涉。耕戶晏閒。閒撫收於北牕。便如素業。整詩書之廢忘。
足慰平生。唯適之安。不耕而獲。聞寒暑之再遇。驚歲月之屢遷。得汧汭之
金。已盈宿志。受支離之棄。自愧何功。靜念叨踰。急繁造化。此蓋伏遇某官。